

NACRT

Na osnovu člana 7. Zakona o Budžetima u Federaciji Bosne i Hercegovine („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, i 5/18, 11/19, 99/19 i 25a/22) i člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 24. Statuta općine Čelić („Službeni glasnik općine Čelić“ broj: 3/2017), Općinsko vijeće Čelić na --- redovnoj sjednici održanoj dana -----.2022. godine d o n o s i:

O D L U K U

o izvršenju Budžeta općine Čelić za 2023. godinu.

I OPĆE ODREDBE

Član 1. (Predmet)

Ovom Odlukom uređuje se struktura prihoda i primitaka, rashoda i izdataka Budžeta općine Čelić za 2023.godinu (u daljem testu: Budžet), njegovo izvršenje, prioriteti plaćanja, obim zaduživanja i garancije, upravljanje javnim dugom, prava i obaveze korisnika budžetskih sredstava, ovlaštenja Općinskog načelnika, općinskih službi i drugih organizacionih jedinica, kao i druga pitanja u izvršavanju Budžeta za tekuću godinu.

Član 2. (Pojam)

Budžet je procjena godišnjih prihoda i primitaka, te utvrđenih iznosa izdataka i drugih plaćanja Općine, koji donosi Općinsko vijeće.

Budžet se odnosi na fiskalnu 2023.godinu, koja počinje 01.januara, a završava 31. decembra 2023.godine.

Član 3. (Struktura budžeta)

Budžet se sastoji od općeg i posebnog dijela i kapitalnog budžeta.

Opći dio budžeta sastoji se od računa prihoda i rashoda.

Posebni dio budžeta sastoji se od plana rashoda i izdataka budžetskih korisnika raspoređenih u tekuće i kapitalne izdatke za tekuću budžetsku godinu.

Kapitalni budžet čine izdvajanja za kapitalne investicije iskazane po izvorima finansiranja.

Član 4. (Budžetski korisnici)

Budžetski korisnici su općinske službe za upravu i općinske stručne službe.

Budžetski korisnici su i javne ustanove : JU Centar za socijalni rad Čelić, JU Gradska biblioteka Čelić, Zajedničko pravobranilaštvo za općine Čelić i Doboj Istok i JU za predškolski odgoj i obrazovanje Čelić.

Član 5 (Evidencija)

Transakcije svih prihoda i izdataka i poslovne aktivnosti iz budžeta evidentiraju se u Glavnoj i Pomoćnim knjigama.

Član 6. (Uplata prihoda)

NACRT

Svi javni prihodi i primici budžeta, uključujući i prihode koje korisnici budžeta ostvaruju obavljanjem osnovne djelatnosti po posebnim propisima, uplaćuju se na depozitni račun općine Čelić i iskazuju po izvorima iz kojih potiču.

Prihodi ostvareni po osnovu Zakona o zaštiti i spašavanju ljudi i materijalnih dobara od prirodnih i drugih nesreća („Sl. nov. F. BiH“ broj: 29/03, 22/06 i 43/10), evidentiraju se na posebnom transakcijskom računu i koriste se u skladu sa Odlukom o uslovima i načinu korištenja sredstava po osnovu posebne naknade za zaštitu od prirodnih i drugih nesreća („Sl. nov. F. BiH“ broj: 4/12 i 80/13).

Prihodi ostvareni na osnovu Zakona o izgradnji skloništa u skladu sa Zakonom o zaštiti i spašavanju F. BiH („Sl. nov. F. BiH“ broj: 39/03, 22/06 i 43/10), evidentiraju se na posebnom transakcijskom računu i koriste se za izgradnju i održavanje javnih skloništa, u skladu sa dugoročnim programima i godišnjim planovima za izgradnju javnih skloništa.

II IZVRŠAVANJE BUDŽETA

Član 7.

(Sredstva za budžetske korisnike)

Sredstva budžeta koriste se za finansiranje izdataka iz nadležnosti općinskih službi za upravu, stručnih službi, javnih ustanova i ostalih čije je finansiranje iz budžeta predviđeno posebnim propisom.

Sredstva budžeta osiguravaju se budžetskim korisnicima koji su u posebnom dijelu budžeta određeni za nosioce sredstava na pojedinim pozicijama.

Korisnici koriste budžetska sredstva samo za namjene koje su određene budžetom, i to do visine utvrđene u njegovom posebnom dijelu.

Član 8.

(Neplanirana namjenska sredstva budžetskih korisnika)

Donacije, grantovi i namjenski transferi odobreni i uplaćeni na račun općine Čelić, a koji nisu planirani u Budžetu općine Čelić, usmjeravaju se u budžet za fiskalnu godinu na osnovu Odluke Općinskog načelnika, a na prijedlog Službe za računovodstvene, poslove trezora, privredu i razvoj.

Član 9.

(Odgovornost za prikupljanje prihoda)

Budžetski korisnici odgovorni su za potpuno i pravovremeno prikupljanje i uplaćivanje na depozitni račun općine Čelić prihoda budžeta, namjenskih sredstava i vlastitih prihoda iz svoje nadležnosti.

Budžetski korisnici odgovorni su za zakonitost, svrsishodnost, efikasnost i ekonomičnost raspolaganja budžetskim sredstvima.

Član 10.

Budžet se izvršava u skladu sa njegovim likvidnim mogućnostima po sledećim prioritetima:

1. otplata duga i kamata,
2. plaće i naknade zaposlenih,
3. grantovi za jednokratne pomoći u oblasti socijalne i boračko invalidske zaštite,
4. plaćanje obaveza po sudskim presudama,
5. naknade za rad u Općinskom vijeću i radnim tijelima Općinskog vijeća,
6. materijalni troškovi,
7. kapitalni izdaci i
8. ostalo

Član 11

(Javne nabavke).

Postupak nabavke roba, usluga i ustupanje radova mora se obavljati u skladu sa Zakonom o javnim nabavkama BiH (Službeni glasnik BiH, broj: 39/14 i 59/22).

Član 12.

(Tekuća rezerva)

Hitni i nepredviđeni izdaci koji se pojave u toku budžetske godine podmiruju se iz sredstava Tekuće rezerve utvrđenih u Budžetu.

O korištenju sredstava Tekuće rezerve, na osnovu zahtjeva odlučuje Općinski načelnik, a po dobijanju mišljenja od nadležne službe.

Budžetsko izdvajanje za Tekuću rezervu ne smije preći 3% ukupnih prihoda, isključujući primitke.

Ako se tokom godine, na osnovu zakona ili drugih propisa poveća nadležnost korisnika, što zahtjeva povećana sredstva, ili se osnuje novi korisnik, sredstva za njegove troškove mogu se osigurati iz Tekuće rezerve budžeta, a odobrava ih Općinski načelnik.

Ako se tokom godine, na osnovu zakona ili drugih propisa umanjí nadležnost korisnika, što zahtjeva smanjenje sredstava, ili se korisnik ukine, neutrošena sredstva za njegove troškove prenose se u Tekuću rezervu budžeta ili na korisnika koji preuzima njegove poslove.

Služba za računovodstvene, poslove trezora, privredu i razvoj obavezna je tromjesečno izvještavati Općinskog načelnika o korištenju sredstava Tekuće rezerve.

Općinski načelnik polugodišnje izvještava Općinsko vijeće o korištenju sredstava Tekuće rezerve.

Član 13.

(Preraspodjela sredstava)

Općinski načelnik može na prijedlog budžetskog korisnika, donijeti odluku o prestrukturiranju rashoda u okviru ukupnog iznosa odobrenog za budžetskog korisnika, a najviše do 10% ukupno odobrenih rashoda za budžetskog korisnika.

U okviru odobrenog budžeta, preraspodjela sredstava iznimno je dozvoljena između budžetskih korisnika.

O preraspodjeli iz predhodnog stava odlučuje Općinski načelnik na prijedlog Službe za računovodstvene, poslove trezora, privredu i razvoj.

Član 14.

(Jedinstveni račun)

Obavljanje platnih transakcija vrši se preko transakcijskih računa koji su sastavni dio jedinstvenog računa .

Jedinstveni račun može imati više podračuna.

Sa jedinstvenog računa se ne može isplatiti ni jedan izdatak ukoliko nije odobren budžetom.

Član 15.

(Povrat više ili pogrešno uplaćenih javnih prihoda)

Povrat pogrešno ili više uplaćenih javnih prihoda u tekućoj godini vrši se sa računa javnih prihoda iz tekućeg priliva korisnika prihoda, a povrat prihoda koji nisu uplaćeni u tekućoj godini vrši se sa transakcijskih računa korisnika prihoda, u skladu sa odredbama važećeg Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine.

Član 16

(Sredstava za rad Općinskog vijeća Čelić).

Sredstva utvrđena za isplatu naknade za rad u Općinskom vijeću i u radnim tijelima Općinskog vijeća isplaćuju se na osnovu Odluke Općinskog vijeća Čelić Broj: 01-49-2646/16 od 29.12.2016.godine („Službeni glasnik općine Čelić“ broj: 08/2016)

Član 17.

(Plaće i naknade zaposlenih)

Sredstva utvrđena u budžetu za plaće isplaćuju se u skladu sa važećom Odlukom o plaćama uposlenika općine Čelić.

Osnovica i bod za obračun plaće uposlenika općinskih organa općine Čelić je u skladu sa Sporazumom postignutim između Općinskog načelnika i Sindikalne organizacije općine Čelić.

Osnovica za obračun plaće iznosi 300,00 KM a vrijednost boda za obračun plaće iznosi 1,05 , i primjenjivat će se za period 01.01.-31.12.2023.godine.

Sredstva za naknade toplog obroka isplaćuju se u skladu sa Sporazumom između Općinskog načelnika i Sindikalne organizacije općine Čelić.

Sredstva za plaće i naknade uposlenih u javnim ustanovama, iz člana 4.stav dva ove Odluke obračunavat će se i isplaćivati u skladu sa važećim pravilnicima javnih ustanova.

Član 18.

Sredstva za rad parlamentarnih grupa koriste se u skladu sa Zakonom o finansiranju političkih partija ("Službeni glasnik BiH", broj 95/12) i Odluke Općinskog načelnika.

Član 19.

Sredstva utvrđena u budžetu za Zajedničko pravobranilaštvo za Čelić i Doboj Istok isplaćuju se na osnovu Odluke o prihvatanju Zajedničkog prijedloga za finansiranje rada Zajedničkog pravobranilaštva za općine Čelić i Doboj Istok Broj: 01-07-2982/21 od 30.09.2021.godine potpisane od strane Predsjedavajućeg OV Čelić.

Član 20.

(Grantovi neprofitnim organizacijama)

Sredstva utvrđena u Budžetu općine Čelić na pozicijama

1. Grant-Transfer Boračkim organizacijama,
2. Grant obrazovnim ustanovama,
3. Crveni križ Čelić.
4. Grant školska takmičenja u znanju,
5. Transfer za parlamentarne političke partije,
6. Transferi vjerskim zajednicama,
7. Transfer udruženjima za zbrinjavanje pasa lutalica
8. Transfer za udruženje penzionera općine Čelić,
9. U.G Vive Žene – sigurna kuća Tuzla,
10. Tekući transferi udruženjima građana

raspoređuju se na osnovu Odluka Općinskog načelnika od broja 1.- 9. a pod rednim brojem 10 . na osnovu zahtjeva, javnog poziva , kao i potpisanih Ugovora.

Član 21.

Sredstva utvrđena u Budžetu općine Čelić na pozicijama:

1. Stipendije studentima ,

NACRT

2. Ostali grantovi pojedincima-socijalne jednokratne pomoći,
3. Izdaci za raseljena lica – alternativni smještaj,
4. Izdaci za pomoć povratnicima,
5. Isplata subvencija đacima – prevoz učenika,
6. Izdaci za sanaciju dijela štete nastale prirodnim i drugim nesrećama,
7. Transfer pojedincima za liječenje teško oboljelih,
8. Transfer za stambeno zbrinjavanje socijalno ugroženih osoba,

Sredstva za stipendije isplaćuju se na osnovu javnog poziva, te potpisanih ugovora a grantovi pod rednim brojem 2.do 8. raspoređuju se na osnovu programa, pravilnika, kriterija ili finansijskih planova i Odluka Općinskog načelnika.

Član 22.

Sredstva utvrđena u budžetu općine Čelić na pozicijama

1. Subvencija – manifestacija Dani jagodastog voća i
 2. Subvencije u zapošljavanju
 3. Poticaji za projekte u poljoprivredi,
 4. Subvencija mladih u osnivanju obrta
 5. Subvencija za potporu i promociju obrta
- realizovat će se na osnovu zahtjeva, programa, javnih poziva, konkursa, kao i odluka Općinskog načelnika.

Član 23.

Grantovi za kulturne i Grantovi za sportske manifestacije realizovat će se na osnovu Ugovora u kojem će se definisati namjena i način korištenja sredstava, te ostale obaveze u pogledu namjenskog korištenja istih.

Korisnici sredstava iz stava 1 dužni su u roku od 60 dana od dana realizacije manifestacije opravdati dodijeljena sredstva, u suprotnom su dužni izvršiti povrat istih.

Član 24.

Naknada za rad Općinske izborne komisije

Sredstva planirana u budžetu za rad Općinske izborne komisije će se realizovati u skladu sa finansijskim planom Općinske izborne komisije, koju usvaja Općinsko vijeće.

Član 25.

Sredstva utvrđena u Budžetu općine Čelić na pozicijama:

1. Grantovi mjesnim zajednicama
 2. Transfer za sport
- koriste se na osnovu Odluke i programa raspodjele sredstava za svaku poziciju u ovom članu, usvojenih od strane Općinskog načelnika, a na prijedlog nadležne službe u skladu sa utvrđenim kriterijima.

Član 26.

Sredstva utvrđena u Budžetu općine Čelić na pozicijama

1. Ostale isplate pojedincima – rođenje djeteta i
 2. Subvencije za nabavku školskog pribora socijalno ugroženih kategorija učenika
- realizovat će se putem općinske Službe za opću upravu, društvene djelatnosti i boračka pitanja, nakon posebno podnešenog zahtjeva uz ispunjavanje uslova koji će biti propisani posebnom odlukom Općinskog načelnika.

Član 27.

Sredstva za ostale transfere pojedincima na području zdravstvenog osiguranja realizovat će se na osnovu Odluke Općinskog vijeća Broj:01-31-2937/2020 od 14.01.2021.godine i izdatih Rješenja JU Centar za socijalni rad Čelić.

Član 28.

Sredstva utvrđena u Budžetu općine Čelić, kao Kapitalni izdaci u okviru Službe za računovodstvene, poslove trezora, privredu i razvoj, koriste se prema Programu kapitalnih investicija općine Čelić.

IV FINANSIJSKO IZVJEŠTAVANJE I REVIZIJA

Član 29.

(Izveštaji o izvršenju budžeta)

Služba za računovodstvene, poslove trezora, privredu i razvoj dužna je podnijeti Općinskom načelniku tromjesečne, polugodišnje i devetomjesečni finansijski izvještaj o izvršenju budžeta u roku od 20 dana po isteku obračunskog perioda, a godišnji izvještaj u roku šest mjeseci od završetka fiskalne godine.

Služba za računovodstvene, poslove trezora, privredu i razvoj dužna je dostaviti kvartalne izvještaje Općinskom vijeću i Ministarstvu finansija TK u roku od 20 dana po isteku obračunskog perioda, a za IV kvartal do 5. marta tekuće godine.

V ZADUŽIVANJE I UPRAVLJANJE DUGOM

Član 30.

(Stvaranje obaveza).

- (1) Općina može stvoriti obaveze na osnovu zaduživanja ili izdavanja garancija.
- (2) O visini zaduživanja i garancijama odlučuje Općinsko vijeće.
- (3) Otplata duga Općine predstavlja obavezu Općine.

Član 31.

(Svrha zaduženja)

Općina Čelić se može zadužiti u slijedeće svrhe:

- (1) za finansiranje kapitalnih investicija i posebnih programa odobrenih od Općinskog vijeća,
- (2) za plaćanje na temelju izdatih garancija Općine, u potpunosti ili djelmično u slučajevima kada zajmoprimac ne isplati svoje obaveze,
- (3) za finansiranje budžetskog deficita.

Član 32.

(Svrha izdavanja garancije)

- (1) Općina može izdati garanciju samo za finansiranje kapitalnih investicija, i samo pod uslovima da je pravna osoba koja je zajmoprimac sredstava pravna osoba čiji je većinski vlasnik Općina ili je pod nadzorom Općine.

VI RAČUNOVODSTVENI NADZOR BUDŽETA

Član 33.

(Računovodstvena načela)

Budžetsko računovodstvo se zasniva na računovodstvenim načelima: tačnosti, istinitosti, pouzdanosti, sveobuhvatnosti, pravovremenosti i pojedinačnom iskazivanju poslovnih događaja, te na međunaridnim računovodstvenim standardima za javni sektor.

NACRT

Budžetsko računovodstvo se vodi po načelu dvojnog knjigovodstva i na računima kontnog plana budžeta.

Član 34.

(Načelo modificiranog nastanka događaja)

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događaja.

Prihodi i primici priznaju se u onom periodu kada su mjerljivi i raspoloživi, to jeste kada su uplaćeni na račun budžeta.

Rashodi i izdaci priznaju se u onom periodu kada je obaveza nastala za plaćanje.

Član 35.

(Odgovornost za stvaranje obaveza)

Pomoćnici općinskih službi za upravu i rukovodioci općinskih stručnih i drugih službi, Općinski pravobranilac i direktori javnih ustanova kao budžetskih korisnika odgovorni su za interni nadzor, uključujući i potrošačke jedinice koje spadaju u njihovu nadležnost.

VII JAVNOST I TRANSPARENTNOST BUDŽETA

Član 36.

(Objavljivanje dokumenata)

U cilju obavještanja javnosti o upravljanju javnim prihodima – Budžeta, Dokument okvirnog budžeta, Odluka o izvršenju budžeta i ostali dokumenti vezani za izvršavanje budžeta, objavljivat će se u Službenom glasniku općine Čelić, u skladu sa članom 100. Zakona o budžetima u F BiH („Službene novine Federacije Bosne i Hercegovina“ broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22).

Svi dokumenti iz stava 1. ovog člana, objavljivat će se i na internet stanici općine Čelić.

VIII PRELAZNE I ZAVRŠNE ODREDBE

Član 37.

(Primjena podzakonskih akata)

Na sva pitanja koja nisu regulisana ovom Odlukom, a tiču se načina izrade donošenja, izvršavanja Budžeta, zaduživanja, duga, računovodstva, nadzora i revizije Budžeta primjenjivat će se odredbe važećih zakona.

Član 38.

(Kaznene odredbe)

U slučaju nepoštovanja ove Odluke, primjenjivat će se odredbe člana 102. i 103. Zakona o budžetima u Federaciji Bosne i Hercegovine.

član 39.

(Stupanje na snagu)

Ova Odluka stupa na snagu danom objavljivanja u „Službenom glasniku Općine Čelić“, a primjenjivat će se za fiskalnu 2023. godinu.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

PRESJEDAVAJUĆI OV

Mustafa Ljaljić

Broj :
Čelić,

O B R A Z L O Ž E N J E

Pravni osnov za donošenje Budžeta općine Čelić za 2023. godinu sadržan je u odredbama Zakona o budžetima u Federaciji Bosne i Hercegovine (“Službene novine Federacije Bosne i Hercegovine“, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25^a/22), Zakona o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine” broj 49/06 i 51/09) i Statuta općine Čelić (“Službeni glasnik općine Čelić broj 3/2017)

Odredbama člana 7. Zakona o budžetima u Federaciji Bosne i Hercegovine propisuje se da se uz budžet donosi zakon odnosno odluka o izvršenju budžeta kojom se uređuje struktura prihoda i primitaka, te rashoda i izdataka budžeta i njegovo izvršenje, prioriteti plaćanja obim zaduživanja i izdavanja garancija, upravljanje dugom, te finansijskom i nefinansijskom imovinom, prava i obaveze korisnika budžetskih sredstava i dr. Dok je odredbama člana 46. istog Zakona propisano da se Budžet izvršava na osnovu zakona o izvršenju budžeta za nivo Federacije i Kantona na osnovu Odluke o izvršavanju finansijskog plana vanbudžetskog korisnika.

Odredbama člana 13. Zakona o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine“, broj 49/06 i 51/09) propisuje se da Općinsko vijeće u okviru svojih nadležnosti između ostalog usvaja budžet i izvještaj o izvršenju budžeta jedinice lokalne samouprave.

OBRADIVAČ

Služba za računovodstvene, poslove trezora
privredu i razvoj

PREDLAGAČ

Admir Hrustanović